

## TE HHHHURAA API

I neia i te piha neneiraa na te Ekalesia a Iesu Mesia i te Feia  
Mo'a i te Mau Mahana Hopea Nei i Papeete, Tahiti,  
i te mau fenua Sotaiete, i te mau avae atoa.  
Te hoo e piti farane i te matabiti hoê.

Nu. 7.

Tiurai, 1924.

Mat. 18.

*O te taero ava hoi e te ohamu tiaâ ra, e veve ia; e na te  
tiaruhe e faaahu mai i te ahu motumotu. Maseli 23: 21.*

### O Tei Ite, e Aita i Haapao

UA ITEHIA i te fenua Amerika e 40,000 mohina ava.  
Ua ravehia mai, e ua manihia'tura te reira i roto i te  
hoê anapape, e inaha, ua pohe roa ihora e 40,000 i'a; e ua  
painu noa'tura. E homa! ua navai teie nei parau faaite-  
raa no te huru mau o te taero o te ava. Eaha te maoro e  
farii ai te taata i te parau a te Atua, o tei na ô mai e: "E  
ere te ava i to te opu." (B. F. 89: 7.)

Ua parau atoa maira Iesu e: "E te tavini i ite i te hi-  
naaro o to'na ra fatu, e aita i faaineine ia'na iho, aore hoi  
i rave i ta te fatu i hinaaro ia'na, e papaihia ia e rave rahi  
te tairiraa." (Luka 12: 47.)

E ia haere te mau taata ravaai i te tai'a, e ia ite ihora  
i te i'a, e aita râ i tuu i te upe'a, e parau iho â ia te taata  
e, e maamaa paha to ratou, no te mea e, ua ite ratou i te  
maitai, e aita râ i rave. E te taata tei ite noa i te ino o te  
ohipa inu ava a inu noa'i oia; eaha to te Atua e to te taata  
nei hoi mana'o no'na?

--Elavana

## Te Haereraa Piti Mai o te Meia

(E tuatiraa teie nei parau)

E nehenehe noa ia tatou ia tapūpū i to te ao nei, hou iti a'e i te haereraa mai o te Mesia, i roto i na pūpū e toru, oia hoi:

1. O te Feia Mo'a o te Atua o tei putuputu i te vahi hoê i nia i te fenua ra i Amerika, oia tei parauhia o Ziona. Te faaineine itoito ra ratou ia ratou iho no To'na ra fâraa mai i rotopu ia ratou ra, ia riro ei Faaora no ratou, oia tei haamanii i To'na ihora toto no to ratou ra faaora-raa-hia, oia atoa teie haerea mai, ia riro Oia ei taata faatere i nia ia ratou, e ia faautua hoi ia ratou no ta ratou ra mau ohipa faatiaraa i To'na ra hau.

2. O te mau ati Iuda o tei putuputu i Ierusalema mai te tiaturi noa i te haereraa mai o te Mesia i ō ratou ra, aita râ ratou i faaroo e, o Iesu no Nazareta ia te Tamaiti a te Atua, e te fatata ra hoi ratou i te mairi i roto i te rima o to ratou ra mau enemi, oia te mau Etene.

3. O te mau nunaa, e te mau basileia faufau e te parau-tia-ore o te taata nei, o tei ore i farii i te maramarama o te Evanelia nei, o tei ore roa hoi ineine no to te Fatu ra haereraa mai, e ua fatata roa hoi ratou i te para no te haamou-raa-hia.

Na mua te Fatu i te fâ mai i te pūpū hoê; e eita hoi taua fâraa mai No'na ra e itehia e te toeâ o te tamarii a te taata nei. E haere mai Oia i te hiero o tei faaineinehia No'na ra, e ite hoi To'na ra feia parau-tia i To'na ra mata, e faaroo hoi i To'na ra re'o, e e hi'o atu i To'na ra hana-hana. E no roto mai i To'na ihora vaha e farii ai ratou i te tahi atu â mau poroiraa no te haamaitairaa, e te faanehe-neheraa hoi ia Ziona, e te faarahiraa, e te haapaariraa hoi i To'na ra Basileia.

E na muri Oia i te fâ mai i te pŭpŭ piti, oia hoi te mau ati Iuda o tei vai noa i roto i te peapea rahi, e na fatata hoi i te vî i to ratau ra mau enemî. I te taimē e aro puai mai ai te mau nuu no te tahi mau nunaa i te oire ra, e te î ra hoi to Ierusalema atoa i te mau mea ri'ari'a o te tama'i ra, ei reira Oia e tuu mai ai i To'na ra avae i nia iho i te mou'a o Oliveta, o te amaha na ropu i taua faatiaiarāa No'na ra. (Zekaria 14.) E tei ō Ia'na ra hoi te hoê tiria no te ra'i ra, e na'na e taihitumu, e e faaore atu hoi i te mau nuu i amuihia o te Etene ra, e e fâ mai hoi Oia i te mau ati Iuda haamori ra, ei Faaora rahi, e ei taata riro Ia'na te rê, tei tiaimaoro-hia e ratou ra. E a vai ai te aroha, te mauruuru, e te maere hoi i roto i to ratou ra mau aau, e faaite mai ai te Faaora ia ratou i te mau tapao o To'na ra faasatauro-raa-hia, mai te faaite Ia'na iho e, o Iesu no Nazareta ia Oia, oia ta ratou i faaino, e ta to ratou ra mau metua i taparahi. Ei reira e reva ê atu ai te faaroo ore no roto mai i to ratou ra mau aau, e te tahi tufaa o te matapo aau tei vai i roto ia Iseraela ra, e faataa-ê-hia'tu ia. E faatupuhia hoi te hoê pape pihāa no te tamāraa i te hara, e i te mau mea viivii i te utuafare o Davida, e to Iseraela atoa hoi, e e faafanauhia mai te hoê nunaa i te Atua i te mahana hoê ra. E baptizohia ratou no te haamatararaa i ta ratou ra mau hara, e e farii hoi i te Varau Maitai, e te han o te Atua, o tei faatiahia i Ziona ra, e na reira atoa-hia ia i rotopu ia ratou, o te ore roa e taihitunuhia, e a muri noa'tu.

Na mua teie na fâraa mai No'na i parauhia a'enei, e na muri To'na fâraa rahi mai. O vai râ te nehenehe ia'na ia faaite i te reira huru? E mau hoi te arero o te taata nei, e e mairi hoi te tuiira a te taata papai, a feruri ai oia no nia i taua haereraa rahi hanahana mai No'na ra e te ri'ari'a; ia tahoo atu i te paieti ore, e ma te riro ei Arii rahi no te ao atoa nei.

Te haere maira Oia! te aueue maira te fenna, te ruru-

taina maira te mau mou'a teitei ra, te anaana noa maira te mau ra'i mai te veo tarapape ra, e te tahe atura te moana rahi hohonu i te pae i apatoerau, mai te mea ra e, te mata'u ra oia. Te haere maira Oia! Te tia maira te Feia Mo'a na roto mai i to ratou ra mau menemā, mai te uira te oioi, e te Feia Mo'a-e ora ra, e rave-atoa-hia mai ia e ratou atoa i nia ia farerei Ia'na ra. Te haapeepee ra te feia paieti ore e faatapunī ia ratou iho i To'na ra aro, mai te pii hua i te mau ofai hautiuti ia tapoi mai ia ratou ra. Te haere mai ra Oia, e te mau tiria parau-tia atoa i faahanahanahia ra. E te tairi-pohe-roa-hia ra te feia parau-tia-ore i To'na ra aho. E auahi aama ia To'na ra hanahana. Riro ihora te feia teoteo, e tei faahapa noa ra ei aihere, pau roa ihora ratou i te auahi, e aore roa e faatoehia te hoê aa, e aore râ te hoê amaa no ratou ra. Te tamâ ra Oia i te ao atoa nei. E riro te ao nei mai te tau i vai ai te diluvi i nia ia'na ra; e pau roa'i te mau mea faufau e te pauau-tia-ore atoa i te mau diluvi auahi faariri Na'na ra. E ravehia Satani, e ruuruuhia oia e to'na atoa ra mau tiria pōiri, e riro êatu hoi te mana o te tamaiti arii o te reva, i te mea e, ua tae mai Oia (Iesu), e tei Ia'na te tia mau ia riro ei Arii, e te mau basileia atoa o te teie nei ao, ua riro ana'e ia ei mau basileia no to tatou ra Fatu o Iesū Mesia ra.

E parahi te Feia Mo'a no Tei Teitei i nia iho i te ao nei, o tei faahotu mai i to'na ra puairaa, mai to te mau mahana apî no'na ra, e patu hoi ratou i te mau oire, e e tanu hoi i te mau faaapu; e riro hoi te mau taata faaroo i mutaa ihora ei feia mana i nia i te mau mea e rave rahi, e tiarehia hoi te ô Etene, e e tupu ruperupe hoi te mau hoturaa, e te mau tiare no Paradaiso mai to te matamua ra; e tavana hoi Iesu i nia i te Mou'a ra ia Ziona, e i Ierusalemā atoa hoi, e tei mua Ia'na te mau taata tahito ma te hanahana rahi ra, e e arue te mau mea atoa i hamauihia i te Fatu ra.

A pahono ai Iesu i te mau uiraa i tuuhia'tu Ia'na e te

mau Aposetolo, i parau ai Oia no nia i te tahi mau mea o tei riro ei mau tapao no tana hereraa piti mai No'na ra. Inaha, te tupu noa nei â tana mau mea ra; e no reira te ora nei tatou i roto i te mahana o To'na ra haereraa mai.

Te a'o-noa-hia nei te Evanelia no te Basileia, o tei faaho'ihia mai na roto i te heheuraa, ei ite mau no To'na ra fâraa mai; te haaputuputu noa nei To'na mau taata, e te patu-noa-hia nei hoi te mau niu no To'na ra Basileia i roto-pu i te mou'a; te faatiahia nei Ziona i nia, e ua oti na Hiero e maha i te faatiahia e te fariihia i te tufaa fenua ra i Uta-ha i teie nei, e te vai nei hoi te varua haaputuputu i roto i te mau ati Iuda ra, e te faahope mai nei te tahi mau taata tao'a rahi e te mana i to ratou ra puai no te faatia-faahou-raa ia Ierusalem; te tiarehia nei hoi te tahi mau vahi ano o tana fenua ra i teie nei; e te mau pape tahe o tei ore ê na, ua haamata faahou â ia i te tahe mai. E te tupu noa mai nei te varua pâpû ore i roto i te mau saiete atoa ra, e te vai nei te mana'o faaineine no te tama'i i roto i te mau nunaa atoa, o tei faatupuhia e te hoê mana ite-ore-hia e te mata taata nei. Te ite-noa-hia nei te mau ohipa apî ri'ari'a i imibia no te faaoreraa i te ora o te taata nei. Te itebia mai nei hoi te tahi mau taata tei ore i au ei mau tavana, e ei mau taata hamani ture o tei haapao ore roa i ta ratou ra mau ohipa. Te faaroo noa nei hoi tatou i te parau no te mau aueueraa fenua, te mau puahiohia, te mau vero, e te tahi atu â mau ati rarahi ra, e noa'tu te rahi noa ra ta te fenua e faahotu mai nei, e rave rahi te tausani tei hinaaro ia faanavaihia ta ratou maa. Te tupu noa nei te raveraa hara i te rahiraa; e te rahiraa o te mau haapiiraa Evanelia atoa a te taata nei, ei vahavaharaa e ei tâhitohitoraa ana'e ia, e te vai nei te mana'o i roto i te mau taata atoa e, te fatata mai nei te hoê mau mea i te tupu.

O te tahi mau ia tapao teie no To'na ra haereraa mai. Inaha, te haere maira te Tane faaipoipo apî ra. A haere

outou e farerei Ia'na. Ua ara mai te mau paretenia paari ra; ua faanehenehehia ta ratou mau lamepa ra; aita ratou e haere noa i roto i te poiri, e maramarama râ tei to ratou avae, e e lamepa tei to ratou e'a, te haapeepee ra ratou i te vahi i faataahia, no te mea, ua papaihia e, "E haere mai te Faaora i Ziona."

Te fatata maira taua hora ra. Te mau huru ta tatou e parau nei ra, e tupu oioi mai ia na muri noa mai te tahi i te tahi. Te mahana e te hora râ, aita i faaithehia mai; ia faatia mai râ te Fatu ia Ziona i nia, ei reira Oia e fâ mai ai ma To'na ra hanahana rahi.

E te mau tamarii a te taata nei, a haapae ê atu i ta outou ra mau hara, a tatarahapa na i ta outou ra mau parau ino. Ua parau iti haihai mai te Varua o te Atua i to outou ra mau aan, e ua ite hoi outou i ta outou mau parau ino ra a vai ara noa'i outou i te tahi mau pô, aita i nehe-nehe ia taoto. Eiaha e vare i te mau parau tâhitohito a te feia faufau, e te opuaraa iino ra, a haere mai na râ, e ia tanuhia outou mai te Mesia i te bapetizoraa, a farii mai i te tao'a mau no te horoaraa a te Varua o te Atua ra, e a tau-turu i te Feia Mo'a i te faaineineraa i te Basileia o te Tamaiti a te taata nei, e ia tae mai Oia ra, te tiaï nei outou i To'na ra fâraa mai, e eiaha roa taua mahana o te Fatu ra e tae mai i nia iho ia outou mai te mana'o-ore-hia ra, oia mai te haerea mai o te eiâ i te pô ra.

—*Faaauhia ei re'o Tahiti e Elavana*

"Ia tae maira te Tamaiti a te taata ma ta'na hanahana, e te mau melahi mo'a atoa ra, ei reira oia e parahi ai i nia iho i to'na terono hanahana; e e haaputuhia to te mau fenua atoa i mua i to'na aro: e na'na e faataa ia ratou mai te tiaï mamoe e faataa i te mamoe i te puaaniho ra: e tuu oia i te mamoe i tana rima atau, e te puaaniho i te rima aui." Mataio 25: 31-33.

## Te Hoê Parau iti ei Faaitoitōraa

(Tuatiraa teie nei parau.)

E ua na reira hoi te feia e rave rahi ra i te farii i ta ratou parau mai te haapao maite i te mau ture o te evanelia ra. Ohipa 19: 6. No te mea, tei rotopu i te feia mo'a te parau êê ra, e tia ai ia tatou ia mana'o noa e, tei rotopu hoi ia ratou te faaite parau êê, oia hoi te mana e tatara i te mau parau i parauhia mai i roto i te re'o êê, ia ite te taata'toa i te auraa mau. Te haapii maira Paulo e, o te reira ia te hoê o te mau mea o horoa-noa-hia mai e te Varua ra.

89. E teie nei, ua itea-papu-roa-hia e, tei roto i te ekalesia tahito ra teie nei mau mea i horoa-noa-hia mai e te Varua ra; e eaha ia e ore ai i teie nei tau hopea nei? E mea maitai anei ia tatou ia mana'o noa e, no te tau tahito ana'e teie nei mau mea horoa i parauhia maira, e eiaha no teie nei e te mau tau atoa ra? Eiaha tatou e mana'o i te reira a riro iatatonu ei hoho'a paietu, i te hunaraa i te puai e te mana o te paietu mau ra. 2 Timotea 3: 5. Hoê â ia te ohipa a te Varua i teie nei e i te tau tahito ra. E no reira a haapao tatou i ta Paulo i parau maira. (Kor. 1, 14: 12.) A titau hua i teie nei mau mea horoa a te Varua ra, ia riro tatou atoa ei feia paari, ei feia ite e te maramarama, ei feia mana i rotopu i te taata nei, i te tama'iraa'tu i te ino e te mau hinaaro tia ore ra, e i te faatupuraa i te mau mea maitatai, tei faaoaoa noa'tu i te aau o te taata, tei haamaramarama atu ia ratou, e tei faariro noa hoi i te feia rave ohipa au ore ra ei feia parau-tia mau.

90. Ua parau maira taua Varua Maitai ra i te feia aau tatarahapa taatoa ra. Ua na ô maira Petero i te tiaa rahi i tairuru mai i Ierusalem a i te mahana Penesekote ra: "No outou hoi tei parauhia maira, (te Varua Maitai) e no to outou tamarii, e no te feia atoa hoi i te atea ê ra, ta te Fatu

ta to tatou Atua e parau atu." Ohipa 2: 39. E ore te Atua e haapao i te huru o te taata. Hoê â ia te mau ona, e tei veve, te tîti e te tiamâ, te feia Farani, to Beritane, to Amerika, te feia tahito e to teie nei tau, i mua i to'na ra aro.

91. Te taata o tei faaroo ia'na, e tei tatarahapa i to'na mau mana'o ino, e tei bapetizohia, ia matara ta'na ra mau hara, e horoa mai te Atua i te Varua Maitai ia'na ra. Ohi. 2: 38. Na Tana Varua ra e faatupu i te ite, te paari, te faaroo, te mana faaora ma'i e te rave tapao, te tohu, te ite varua, te parau êê, e te tatara i te parau êê, te hinaaro, te oaoa, te hau, te faaoromai, te mārû, te maitai e te mamahu, te hitahita ore, e te mau mea popou atoa nō ō mai i te Tummu o te Maitai ra.

92. Mai te mea ra e, tei roto i te rima o te hoê taata ite te mau mauhaa rave ohipa a te tamuta ra, e mana rahi to'na. E tia ia'na ia tâpu i te mau raau rarahi, e êê oioi ia ratou ra, ia au maitai i to'na iho hinaaro. E mea ohie ia'na ia hamani i te mau iri rairai e te aano, te mea meu-meu e te pirihaa, te mea roa e te mea poto, ia manina maitai e ia titiaifaro hoi. E tia ia'na ia tâpu noa i te mau raau e au i te faito i mana'o-atea-noa-hia e ana, e hahu ia ratou ia moremore maitai, e e tuati tia ai ia ratou ra ia riro, ei fare nehenehe e te faahiahia ia hi'o ra. E tia ia'na ia hamani i te mau iri parahiraa, te iri amuraa maa, te roi te afata, te vairaa ahu, te iri horoiraa pape, te vairaa maa, te vairaa buka e te mau ohipa rii nehenehe e te au maitai e rave rahi, e tuu i roto i taua fare ra.

93. E tia ia'na ia faatia i te mau e'aturu, ia tuatihia na pae o te mau anavai e te mau taheraa pape, e te mau vahi poopoo ra, ia tia i te mau taata ia hahere noa, e ia faahoro noa i to ratou mau pereoo ma te peapea ore, e ta ratou ra mau tao'a ia ore e rari i te pape ra. E tia ia'na ia hamani i te mau pahi te tere noa i te mau fenua êê, a hopoi atu ai i ta'na tao'a, mai te pufâ, te pârau, te vavai etc., i

te mau fenna roa, e tau noa'tu, a rave mai ai i te faraoa, te puaatoro, te ahu, te mau buka, e te mau mea atoa ta'na e hinaaro no roto mai i te fare tao'a o te mau ona ra.

94. Mai te mea ra e, aita ana êê, te hahu, te tuea, te mau toi e te mau mauhaa rave ohipa a te tamuta, noa'tu te rahi o to'na ite, e maoro roa ia oia i te hamaniraa i te hoê vaa iti, te hoê iri pio e te taratara, te hoê parahiraa paru-paru, e aore râ, te hoê fare ino ra. E mea faufaa rahi roa ia te mau mauhaa rave ohipa i te taata nei. E taionohia, e taihituhia e taiahuru noa'tu hoi te rahi o te ohipa a te taata ite, tei ia'na te mau mauhaa rave ohipa maitatai ra. Ua riro te taata o tei noaa te Varua Maitai ei mauhaa rave ohipa maitai i roto i te rima o te Atua.

95. E tauturu mai te Varua Maitai i te taata i to'na imiraa i te ite i te mau ohipa popou mai te tamuta, te tupai auri, te tarai ofai, te raraa ahu, te taote, te hamani i te mea auro, te mea ario, te mea vëo, te mea faira, e te mau ohipa paari atoa ra, ei faatupuraa i te parau-tia, ei faaneheneheraa i te parahiraa o te taata nei, e ei tauturu hoi i te faaineineraa i te varua taata no te ora mure ra. (Exodo 31: 1-11; Korinetia 1, 12: 8; Roma 8: 28.) E faatupu hoi te Varua Maitai i te aroha, te haehaa, te itoito, e te mau mea e rave rahi i roto i te aau, ei faaineineraa i te varua taata ia parahi i roto i te basileia o te ao ra. E mauhaa rave ohipa pohe noa ta te tamuta. E mauhaa rave ohipa ora râ te taata i faaûruria e te Varua Maitai ra.

96. E hamani te taata tei ia'na te mau mauhaa rave ohipa i te mau pahi, te mau pereoo, te mau e'aturu, te mau fare, e te mau ohipa rii nehenehe i roto ra, ia maitai to'na tino e to'na varua i roto i teie nei ao. E hamani noa te taata haehaa, tei ia'na te Varua Maitai ra, i te pahi tahuti ore, oia hoi e haaputu oia i te ite i te Atua e ta'na evanelia i roto i to'na ra aau, o tei faanee noa'tu ia'na i roto i te tipaeraa o te ao. Ioane 17: 3.

(E tuatihia teie nei parau.)

## Te Mau Parau Apî

Ua heruhia maira i te fenua ra i Utaha te hoê apu afii rahi roa no te hoê animala tei ora i tahito ê ra. Ua hau teie i te rahi i te mau apu afii atoa tei itehia, mai te haamataraa mai â o te imiraa i taua mau mea ra.

Ua parauhia e, ua hau teie animala i te rahi i te mau animala atoa tei ora i nia i te fenua nei. Ua faitohia teie apu afii, e ua itehia to'na rahiraa a ora ai oia, oia hoi, 100 ia avae to'na roa, e 20 ia tane to'na teiaha.

Ua itehia a'enei i te fenua ra i Amerika te hoê ohipa huru ê roa, oia hoi, ua faaipoipohia na vahine te tahi i te tahi. Mai teie te huru o te tupuraa o taua ohipa ra, oia hoi: Ua oomo te hoê i te ahua tane, mana'o ihora te tahi e, e tane iho â oia; haere atura raua e hoo mai i te parau faatia no te faaipoiporaa; e faaipoipohia ihora raua. I muri a'e i to tahi iteraa i te parau mau, ua mamu noa oia, maoti râ i te parau e, ua mana'o oia e tane iho-â ia ta'na i faaipoipo atu.

### Faaiteraa no Ruru

Ia hinaaro outou i te tape'a, e te uati, noa'tu te huru;

Ia hinaaro outou ia hamanihia to outou mau tape'a, te pine, te tautau;

Ia hinaaro outou ia tataihia to outou mau tape'a;

Ia hinaaro outou i te hoo mai i ta outou mau tiko, te patoetoe, te mau tape'a tahito, te hei pupu, etc.;

Ia hinaaro outou ia papaihia to outou mau i'oa i nia e aore râ i roto i to outou mau tape'a, te pine, e te tautau;

Ia hinaaro outou ia faaapihia to outou mau tape'a tahito;

### Haere i o Ruru

*to'na iho â fare parai rea ute  
te aroa Petite Pologne*

PAPEETE

### NENEIRAA HOHO'A

Noa'tu te huru e te faito i hinaarohia, e oti nehenehe i ò nei ia Viriamu.

O te mau huru ohipa ho-ho'a e ravehia nei.

William Crake

*I pihaito i te Fare Moni Initia Talna*

PAPEETE

Ua faarue a'enei te pahi ra o Mauretania i te fenua ra i Beritane, e tere atu i Niu Ioka, o teie ia te 305 o to'na tere na te moana Atlantic; e ia tae oia i reira, e 10,00,000 ia maile te atea o te vahi i terehia e taua pahi ra, mai to'na hamaniraa mai â e i teie nei.

Ua parauhia e, ua hau te atea e te rahiraa hoi o te horopatete tei tere na nia i taua pahi ra i to te hoê o te toeâ o te mau pahi atoa o tei tere na taua moana ra.

Te haapii ra te mau mutoi huna i te fenua i Canada i te mau peu paari roa, oia hoi, te faaiteiteraa i to ratou ra mau mana'o te tahi i te tahi na roto i te amoamora o te mata, e na roto hoi i te faatiaiaraa o te rima, e te faahautiutiraa o te manimani rima i te tua, e te raveraveraa hoi o te umiumi utu. Teie ia te tumu ratou i haapii ai i taua mau peu paari ra, oia hoi, ia nehenehe ia ratou ia faaite i to ratou mau mana'o te tahi i te tahi ma te mamu noa a faaea'i ratou i rotopu i te enemi.

## Tao'a Apî Farani

Mea rahi te taihaa apî no nia mai i te pahi rahi Farani.

Pereoo taataahi tane e te vahine—te au'a e te mereti—e ua rau te huru te ahū Fara-ni ana'e.

Ia mataitai ana'e ua rave iho â.

Fare Toa No Aiu.

**FARE TAMAARAA TINITO**

I Tatahi tei fatata i te fare toa no Pute

## Teie te Hooraa

Te mau roi auri, roi raau, roi veo; Te mau afata ume, afata roa, afata raau noanoa, afata ma'i (pohe); Te mau huru UPAUPA, Mandoline, Guitare, Ukulele, e to'na mau niuniu atoa;

Te mau huru peni vaa, Fare, Pereoo, Afata Ume, e te tahi atu â. Tei reira'toa hoi te hamani raa e te tatairaa i te mau huru haneti atoa. Tei reira'toa te mau hahu raa, e te êê raa raau.

Tei reira'toa te tarahu raa Pereoo uira: taniuniu noa io Bambridge, Papeete, ia tae atu te Auto, no-a'tu te hora i te pô e te ao.

Bambridge, Dexter & Co.

oia hoi io TIHOTI MAEHAA

## Ua Faaroo Tatou

I te parau api o te tau i o te moni Marite e te moni Beritane—e no reira ua pee te moni o te mau taihaa i nia.

### Mea Mama ta Pute

Aita râ te moni o te pua i te faretoa a Pute i haere i nia, no te mea no Tahiti iho nei te hamani-raa-hia.

Hoê Noa Iho Afa i te Pâ

**A. Leboucher**

PAPEETE

## Tamuta Hamani Pahi e te Fare

Mai te mea e, te opua nei oe i te hoo i te tahi poti tere roa a'e i te tahi atu â mau poti, haere io PERO, oia hoi, F. R. & I. E. WALKER, na ratou e hamani i taua poti ra ma te maitai e te hoo māmā.

Haere na a mataitai i ta ratou mau hoho'a poti, haere na a mataitai i ta ratou aua hamaniraa pahi.

Farerei na ia PERO ma, no te hamaniraa i to oe fare, eita oe e tata-rahapa.

Afai na ta oe mau iri raau i hinaaro i te êê e te hahu ia PERO ma, na ratou e rave.

**F. R. & I. E. WALKER**

PAPEETE

Ua parauhia e, eita e maoro, e tia noa i te taata i Amerika ia paraparau noa na roto i te Radio i to'ua râ mau hoê tei parahi i te fenua ra i Beritane. Tirara te maoro, ia faatia te Hau Beritane i te hoê fare haponoraa parau i reira. Na roto i te mau tamataraa i taua ohipa nei, i faaite mai ai taua mau taata ra e, e tia ia paraparau mai te maitai i te mau mahana atoa i te tau toetoe; i te tau mahana rā, eita te re'o taata e faaroo-papu-roa-hia, no te rahi o te maniania, e nehenehe rā ia paraparau ma te maitai i na hora i i te mau mahana atoa. E mea tuati te radio i te parau niuniu, no reira i tia'i ia paraparau noa.

Ua heruhia maira i te fenua ra i Amerika te hoê tara mamota (mammoth animala rahi), e ono avae te roa, e 10 ia initi te meumeu o taua tara rā. E 20 ia avae te hohonu o te repo i itehia'i taua tara, e mea māmā ia e te uono hoi. Ua hopoihia ia i te hoê fare haapiiraa ia rapaauhia, e ia mataitaihia hoi e te taata.

O. B. Peterson, Imprimeur,

Rue Brea et de la rue Dumont d'Urville, Orovini, Papeete